

# Agenda – Y Cyfarfod Llawn

---

Lleoliad y cyfarfod:

Y Siambr – Y Senedd

Dyddiad y cyfarfod:

Dydd Mercher, 22 Mawrth 2023

Amser y cyfarfod: 13.30

## 129(v3)

---

Cynhelir y cyfarfod hwn ar ffurf hybrid, gyda rhai Aelodau yn Siambr y Senedd ac eraill yn ymuno drwy gyswllt fideo.

### 1 Cwestiynau i'r Gweinidog Cyllid a Llywodraeth Leol

(45 munud)

Bydd y Llywydd yn galw ar lefarwyr y pleidiau i ofyn cwestiynau heb rybudd i'r Gweinidog ar ôl Cwestiwn 2.

[Gweld y Cwestiynau](#)

### 2 Cwestiynau i'r Gweinidog Materion Gwledig a Gogledd Cymru, a'r Trefnydd

(45 munud)

Bydd y Llywydd yn galw ar lefarwyr y pleidiau i ofyn cwestiynau heb rybudd i'r Gweinidog ar ôl Cwestiwn 2.

[Gweld y Cwestiynau](#)

### 3 Cwestiynau Amserol

(20 munud)

#### Gofyn i'r Dirprwy Weinidog Newid Hinsawdd

[Jack Sargeant \(Alun a Glannau Dyfrdwy\)](#): Pa asesiad mae Llywodraeth Cymru wedi'i wneud o'r effaith ar Gymru a gaiff penderfyniad Llywodraeth y DU i gategoreiddio Northern Powerhouse Rail fel prosiect Cymru a Lloegr?



#### **4 Datganiadau 90 Eiliad**

(5 munud)

#### **5 Dadl Aelodau o dan Reol Sefydlog 11.21(iv) – Mesuryddion rhagdalau a gwasanaethau cyngor ynni**

(60 munud)

**NDM8219** [Jack Sargeant \(Alun a Glannau Dyfrdwy\)](#)

Cynnig bod y Senedd:

1. Yn credu:

a) ei fod yn sgandal genedlaethol bod 600,000 o bobl wedi cael eu gorfodi i ddefnyddio mesuryddion rhagdalau yn 2022 oherwydd na allent fforddio eu biliau ynni;

b) bod rheoleiddiwr ynni Ofgem wedi methu â diogelu aelwydydd bregus drwy ganiatáu i gyflenwyr ynni osgoi gwiriadau priodol;

c) y dylai'r rhai sy'n cael eu gorfodi i ddefnyddio mesuryddion rhagdalau gael eu digolledu'n briodol gan gyflenwyr ynni a'u newid yn ôl yn rhad ac am ddim.

2. Yn nodi:

a) y cafodd cyflenwad ynni 3.2 miliwn o bobl ei dorri y llynedd oherwydd eu bod wedi rhedeg allan o gredyd ar eu mesuryddion rhagdalau;

b) y gallai biliau ynni cyfartalog cartrefi godi hyd yn oed ymhellach, gan roi baich ychwanegol ar aelwydydd sydd eisoes yn ei chael hi'n anodd oherwydd yr argyfwng costau byw.

3. Yn cydnabod cynllun peilot ynni yn y cartref 2021–22 Llywodraeth Cymru, a oedd yn rhoi cyngor rhagweithiol a chefnogaeth allgymorth i bobl a oedd, neu a oedd mewn perygl o fod, mewn tlodi tanwydd.

4. Yn galw ar Lywodraeth Cymru i gyflwyno gwasanaeth cyngor ynni yn y cartref ledled Cymru i sicrhau bod pob cartref yn gallu cael y cymorth a'r cyngor sydd eu hangen arnynt.

**Cefnogwyr**

[Alun Davies \(Blaenau Gwent\)](#)

[Carolyn Thomas \(Gogledd Cymru\)](#)

[Delyth Jewell \(Dwyrain De Cymru\)](#)

[Heledd Fychan \(Canol De Cymru\)](#)

[Jane Dodds \(Canolbarth a Gorllewin Cymru\)](#)

[Jayne Bryant \(Gorllewin Casnewydd\)](#)

[Joyce Watson \(Canolbarth a Gorllewin Cymru\)](#)

[Llyr Gruffydd \(Gogledd Cymru\)](#)

[Luke Fletcher \(Gorllewin De Cymru\)](#)

[Mike Hedges \(Dwyrain Abertawe\)](#)

[Peredur Owen Griffiths \(Dwyrain De Cymru\)](#)

[Rhianon Passmore \(Islwyn\)](#)

[Rhys ab Owen \(Canol De Cymru\)](#)

[Sarah Murphy \(Pen-y-bont ar Ogwr\)](#)

[Sioned Williams \(Gorllewin De Cymru\)](#)

[Vikki Howells \(Cwm Cynon\)](#)

## **6 Dadl y Ceidwadwyr Cymreig – Y Gweinidog Iechyd a Gwasanaethau Cymdeithasol**

(60 munud)

**NDM8231** [Darren Millar \(Gorllewin Clwyd\)](#)

Cynnig bod y Senedd:

Yn datgan nad oes ganddi hyder yng Ngweinidog Iechyd a Gwasanaethau Cymdeithasol Llywodraeth Cymru.

## **7 Dadl Plaid Cymru – Cynllun brys ar gyfer y sector bysiau**

(60 munud)

**NDM8229** [Sian Gwenllian \(Arfon\)](#)

Cynnig bod y Senedd:

1. Yn nodi bod tystiolaeth ysgrifenedig y Llywodraeth i bwyllgorau craffu'r Senedd ar y dyraniadau o fewn pob prif grŵp gwariant wedi dweud y byddai'r £28 miliwn a roddwyd i'r cynllun brys ar gyfer y sector bysiau yn 2022–23 yn cael cyllid cyfatebol yn 2023–24, ond bod gweithredwyr bysiau wedyn wedi cael gwybod nad oedd sicrwydd o unrhyw gyllid o 1 Ebrill 2023 ar gyfer y cynllun brys ar gyfer y sector bysiau.
2. Yn nodi nad yw'r estyniad 3 mis i'r cynllun brys ar gyfer y sector bysiau yn cynnig llawer o sicrwydd i weithredwyr bysiau i gynnal gwasanaethau a llwybrau allweddol yn eu hardal yn y tymor hir.
3. Yn mynegi pryder y byddai peidio ag ymestyn cyllid y cynllun brys ar gyfer y sector bysiau yn arwain at ganslo gwasanaethau ar raddfa eang, a fydd yn gadael cymunedau ledled Cymru – cymunedau gwledig yn bennaf – wedi'u hynysu.
4. Yn galw ar Lywodraeth Cymru i ymestyn cyllid y cynllun brys ar gyfer y sector bysiau am o leiaf 18 mis i ddarparu sicrwydd ariannol mwy hirdymor i weithredwyr bysiau ledled Cymru.
5. Yn galw ar Lywodraeth Cymru i gyflwyno opsiynau cyllid diogel mwy hirdymor er mwyn cynnal gwasanaethau bysiau, yn hytrach na chynlluniau cyllido brys.

[Tystiolaeth ysgrifenedig y Gweinidogion i bwyllgorau craffu'r Senedd ar y dyraniadau o fewn pob Prif Grwp Gwariant](#)

**Cyflwynwyd y gwelliant a ganlyn:**

**Gwelliant 1** [Lesley Griffiths \(Wrecsam\)](#)

Dileu popeth a rhoi yn ei le:

Cynnig bod y Senedd:

1. Yn cydnabod bod Llywodraeth Cymru wedi darparu gwerth dros £150m o gyllid ychwanegol i'r diwydiant bysiau gydol y pandemig a'i bod wedi cefnogi'r diwydiant i adfer ar ei ôl.
2. Yn nodi nad yw nifer y teithwyr ar fysiau wedi dychwelyd i'r lefelau cyn y pandemig a bod patrymau o ran defnydd wedi newid.
3. Yn nodi bod yr estyniad cychwynnol o 3 mis i'r cynllun brys ar gyfer y sector bysiau yn cynnig sicrwydd yn y tymor byr i weithredwyr bysiau er mwyn cefnogi datblygiad rhwydwaith bysiau sylfaenol.

4. Yn cefnogi cynlluniau mwy hirdymor Llywodraeth Cymru i ddiwygio'r diwydiant bysiau drwy reoleiddio.

5. Yn cefnogi bwriad Llywodraeth Cymru i roi'r gorau i ddyrannu cyllid brys cyn gynted â phosibl gan yn hytrach gyflwyno pecyn cyllid sy'n cefnogi'r trosglwyddiad i fasnachfreinio.

## 8 Cyfnod Pleidleisio

## 9 Dadl Fer

(30 munud)

**NDM8223** [Rhys ab Owen \(Canol De Cymru\)](#)

Diogelwch tân mewn fflatiau uchel: amserlen glir ar gyfer unioni er mwyn trigolion

Cynhelir Cyfarfod Llawn nesaf y Senedd am 13.30, Dydd Mawrth, 28 Mawrth 2023